

Վ. ՂԱԶԱՐՅԱՆ, Սարգիս Պիծակ, 2002 ԳԱ հրատարակչություն, Երևան, 1980, էջ 152, 77 նկար:

2002 ԳԱ արվեստի ինստիտուտը հրատարակել է արվեստագիտության թեկնածու Վիգեն Ղազարյանի «Սարգիս Պիծակ» աշխատությունը, որը նվիրված է միջնադարի նշանավոր մանրանկարիչ Սարգիս Պիծակի ստեղծագործությունների ցանկությանը:

Սարգիս Պիծակի ծաղկած մատյանների ուսումնասիրության մեջ զբաղվել են Ղ. Ալիշանը, Վ. Հացումյան, Ս. Տեր-Ներսիսյանը, Գ. Հովսեփյանը, Ա. Երեմյանը և ուրիշներ, սակայն Վ. Ղազարյանի գերբոլոր մեծանուն վարպետի արվեստին նվիրված առաջին մենագրությունն է, որը հանգամանալից վերլուծվում են նրա նկարազարդած և ներկայումս մաշտոցյան Մատենադարանում պահվող ձեռագրերը:

Գրքի բաժիններում Վ. Ղազարյանը մատնանշում է այն հիմնական օրինաչափությունները, որոնցով ղեկավարվել է նկարիչը տարբեր մատյանների պատկերները կերտելիս:

Սարգիս Պիծակի ձեռագրերի խորանների ուսումնասիրության մեջ պարզվում է, որ անվանի վարպետը իր մոտիվներով գրեթե նորություն չի բերում խորանավորների մեջ, այլ շատ քաղաքականորեն այդ տիպը հասցնում է իր ավարտին (էջ 38): Մանրանկարների այդ տեսակի համար Սարգիս Պիծակը կիրառել է կիլիկյան մանրանկարիչների XII—XIII դդ. մշակած կառուցվածքային նախօրինակը և մոտիվները (էջ 32, 38):

Անվանի նկարչի վրձնած մանրանկարների զգալի մասը ավետարանիչների պատկերներ են: Դրանց ձևավորումների վերլուծությունից հայտնի է դառնում, որ հատկապես այդ նկարազարդումներում են առավել պահպանված բյուզանդական արվեստի ազդեցության հետքերը (էջ 39): Նույն մանրանկարների ոճական հատկանիշների հետազոտությունից երևում է, որ Սարգիս Պիծակը ձգտել է ազատագրվել հայ մանրանկարչության նախորդ շրջանի գեղարվեստական առանձին ձևերից, մասնավորապես հակադրել հռոմեականից և հուսկազգին շարժման արտահայտություններին, նա հարուստ է տվել գեղարվեստի հարթապատկերային-նախշավ ընդլայնում, առարկաները մատուցելով «...սխեմայի վերածված նշաններով ու սիմվոլներով» (էջ 44):

Թե՛ պատմական, թե՛ գեղարվեստական իմաստով ուշագրավ է 1337 թ. Մանրումանքի անվանաթերթի վրա զետեղված Ներսես Շնորհալու դիմանկարը (էջ 58):

Սարգիս Պիծակի ձևավորած նշանավոր մատյաններից են 1336 թ. Անթուանյան ավետարանը և 1353 թ. ԲԺշկության ավետարանը: Այս ձեռագրերի առանձին նկարազարդումների համար օգտագործված են XIII դ. կիլիկյան կանոնիկ սխեմաներ («Տյանունդառա»), կապաղովկյան տիպեր («Սևանա», «Մկրտություն»), կապաղովկյան և բյուզանդական նախօրինակներից կազմված խաղը ձևեր («Մուտքը Նրոսաղիմ»), արևմտյան և բյուզանդական ավանդույթներ («Հարություն») կամ հազվագյուտ քաջատիկ պատկերազարկային մանրամասներ («Ավետում»), (էջ 59—68):

Տնօրսային լուսանցանկարներում Սարգիս Պիծակը հանգես է ցալիս իրեն հասարակական տրամադրությունների թարգման և իր ստեղծագործություններում արտահայտում է ժամանակի կիլիկյան իրականության մեջ տեղի ունեցող օրհասական ցնցումները (էջ 74—77): Սարգիս Պիծակի լուսանցանկարները պարզեցված են և համառոտված: Նշանավոր վարպետի ձեռագրերում ավետարանական տեսքերի գեղանկարչական հայրեն շարադրանքը, զուսպ, սեղմ և նույնիսկ կրճատված ձևերը հատկապես աչքի են զարնում XIII դ. կիլիկյան մանրանկարիչների բազմամրոխ լուսանցանկարների հետ բաղդատելիս: Սարգիս Պիծակի արվեստում նկատվող այս փոփոխությունների հետազոտությունը բացառիկ կարևորություն ունի ոչ միայն նրա գեղանկարչական ժառանգության, այլև հետագա դարերի հայ մանրանկարչության ցնունդին տեսանկյունից, որովհետև XIV դ. հետո հայ ծաղկողները լուսանցանկարների ստեղծման ժա-

մանակ հետեւն են ու թն XIII դ. կիլիկյան նկարիչների ավանդույթներին, այլ Սարգիս Պիծակի սկզբունքներին: Հիշյալ փոփոխությունների պատճառը, ինչպես նշում է Վ. Ղազարյանը, ժամանակաշրջանի խոռվաճուղի իրադարձություններն են, «թելչանու արշավանքներից ու ասպատակություններից խուսափելու համար տեղից տեղ փոխադրվելը, նաև նկարչական պիտույքների սղությունը (այդ են վկայում XIV դ. մի շարք գրաֆիկ ձեռագրեր, նաև ներկի ու մագաղաթի որակը) ...» (էջ 75):

Հայ գրքարվեստի նշանավոր ստղծագործություններից է 1338 թ. Աստվածաշունչը, որը մեծանուն վարպետը ծաղկել է Կիլիկիայի Կոպիտառ վանքում՝ Հակոբ կաթողիկոսի պատվերով: Այս մատյանի ձևավորման կարևորությունը պայմանավորված է առաջին հերթին նրանով, որ այստեղ գեներոված են ձեռագրի պատվիրատուի՝ Հակոբ կաթողիկոսի, և իր՝ Սարգիս Պիծակի դիմանկարները, որոնցում նկարիչը զարգացնում է XIII դ. կիլիկյան գրքարվեստում արմատավորված պատմական դիմանկարչության ավանդույթները (էջ 91):

Հիշարժան է, որ վերը նշված դիմանկարից բացի, պահպանվել են Սարգիս Պիծակի երկու ուրիշ ինքնանկարներ նա. որոնցից առաջինը հանդիպում է 1331 թ. ծաղկված Ավետարանում (Վենետիկ, Մխիթարյան միաբանության գրադարան, № 16), իսկ երկրորդը՝ 1343 թ. Ավետարանում (Դուբլին, Չեսթեր Բիթի գրադարան, № 614), (էջ 93): Անվանի նկարիչ տարբեր տարիները հավերժացրած այդ պատկերները հազվագյուտ երևույթ են Սարգիս Պիծակի ապրած ժամանակաշրջանի քրիստոնեական արվեստում, մանավանդ, նաև նկատի առնենք, որ XIII դ. կիլիկյան նկարիչներից գրեթե ոչ մեկի դիմանկարը հայտնի չէ:

Եզակի մի հուշարձան է 1353 թ. Ստում ծաղկված «Թժշկության ավետարանը»՝ պատկերադարձման իր անկրկնելի համակարգով, որը, ինչպես հիշատակարանում նշում է նկարիչը, նորություն է՝ թելագրված պատվիրատու տեր Բասիլ կողմից (էջ 97): Այդ նորությունն այն է, որ մատյանի էջերում Քրիստոսի ծննդյան ու մահվան պատմությունն արտահայտող նկարների կողքին պատկերված են կույրերին, զիվահարներին, անբաժանելիներին, այսահարներին, բորոտներին թոշկելու և մեռյալներին վերակենդանացնելու տասնյակ տեսարաններ: Նկարելով հեթաճապատում հրաշագործ բուժումները, Սարգիս Պիծակը համոզված է եղել, որ Ավետարանը օժտված է հրաշագործ ուժով և քնդունակ է դարմանելու հիվանդների ցավերն ու ախտերը (էջ 96—98): Վ. Ղազարյանը նշում է, որ «Թժշկության ավետարանի» ծաղկողի և պատվիրատուի նորամուծությունը պայմանավորված էր ժամանակի ծանր իրականությամբ և արձագանք էր 1348 թ. ժանտախտի համաճարակի ու կիլիկյան Թագավորության ապրած մյուս արավիրքների (էջ 96—98):

Մարգիս Պիծակի գեղանկարչական վարպետության մասին է վկայում այն փաստը, որ նա իր ձևավորած մատյաններում ...տալիս է նկարի, լուսանցքի և տեքստի հարաբերակցության միջնադարում հայտնի գրեթե բոլոր ձևերը (էջ 107):

Ամփոփելով իր մեկնադրությունը Վ. Ղազարյանը նշում է, որ «հակառակ կիլիկյան պետությունն անկման դժեղակ ժամանակաշրջանին անհամար, անթիվ աղետների, պիծակյան նկարազարդումներն իրենց մեջ խտացնում են ... ժողովրդական կենսափոխափայտության մեծ ուժը» և լուսավոր շունչը (էջ 124):

Գրքի վերջում գեներոված գիտական դրականության, նկարների, անձնանունների, առարկայական ցանկերի կողքին ներկայացված է Սարգիս Պիծակի ծաղկած ձեռագրերի ցանկը: Այստեղ հնդիկաներ նշում է, որ հետագայում այդ ցուցակը թերևս կրեցայնվի և կճշտվի: Հենդիկանի առածը հաստատելու նպատակով կկամենային հիշատակել մի քանի հուշարձան, որոնք նույնպես կապվում են մեծ վարպետի արվեստի հետ:

Ամենից առաջ անհրաժեշտ է նշել նյու Յորքի հանրային գրադարանում պահվող № 1489 Ծարակնոցը, որի ստացողներն են իշխանաց իշխան Զեթումը և իր որդի Կոստանդինը՝ ապագա Կոստանդին Գ թագավորը: Մատյանի որդիը Խորոս Հոռմուկացին է, որը 1331 թ. ընդորինակել է Սարգիս Պիծակի ձևավորած և ներկայումս Վենետիկի Մխիթարյան միաբանության գրադարանում պահվող № 16 ձեռագիրը: Նյու Յորքի մատյանի ծաղկողի անունը հիշատակարաններում չի նշված, բայց Գ. Հովսեփյանը գտնում է, որ ձեռագրի նկարազարդումների հնդիկաները Սարգիս Պիծակն է: Նույն կարծիքին է նաև Ս. Տեր-Ներսեսյանը¹:

¹ Զ. Հովսեփյան, Մի կարևոր ձեռագիր Նյու Յորքի հանրային մատենադարանով (հնդ գիրք, 1944, № 1, էջ 6—24), S. Der-Nersessian, The Chester Beatty Library (A Catalogue of the Armenian Manuscripts, vol. 1, Dublin, 1958, p. 37, note 2).

Դրախոսվող գրքի ցուցակում բերված Զեսեր Բիթի գրադարանի (Դուբլին) երկու մատյանից (№ 561, 614) բացի, այդ հավաքածուի կազմում է գտնվում ևս մի ձեռագիր՝ № 613, որի ձևավորողը նույնպես Սարգիս Պիծակն է²։ Այստեղ պետք է ավելացնել Ս. Տեր-Ներսեսյանի նշած ևս երեք ձեռագիր։ Դրանցից առաջինը Երուսաղեմի ս. Հակոբյանց վանքի գրադարանի № 1578 Շարակնացն է, որը ընդօրինակել ու նկարազարդել է Սարգիս Պիծակը Խում³ 1335 թ.։ Հիշատակարանների համաձայն, մատյանի ստացողն է Հովհաննես Ժառանգան, Մյուս ձեռագիրը 1326 թ. Ավետարանն է, որը պահվում է լեյդենի (Բելգիա) համալսարանի գրադարանում (Or. 5495)։ Մատյանը ընդօրինակող Սարգիս գրիչը, Ս. Տեր-Ներսեսյանի կարծիքով, պետք է նույնացվի Սարգիս Պիծակի հետ⁴։ Ս. Տեր-Ներսեսյանը անվանի նկարչի աշխատանքն է համարում նաև անթվակիր մի Աստվածաշնչի ձևավորումները, Վերջինս ժամանակին պահել է Ֆրեզեոյում (Կալիֆորնիա), մասնավոր (Հակոբյան) հավաքածուում⁵։

Բնութարանակ արվեստարան Ս. Աճնմյանի վերջերս հրատարակած հոդվածում քննվում են Ռումինիայում գտնվող XI դարի կրիկյան երկու ձեռագրեր։ Ս. Աճնմյանը Սարգիս Պիծակին է վերագրում այդ ձեռագրերից մեկի մանրանկարները։ Խոսքը վերաբերում է Կլուժ-Նապոկա քաղաքի պետական արխիվում պահվող № 11 Ավետարանին, որն ընդօրինակել է Հովհաննես գրիչը⁶։ Վարդան եպիսկոպոսի պատվերով։ Ս. Աճնմյանը ենթադրում է, որ այն, հավանաբար, Սարգիս Պիծակը ծաղկել է կյանքի վերջին շրջանում⁷։

Ս. Աճնմյանը, ինչպես և Ս. Քոլանջյանը, Սարգիս Պիծակի վրանի գործն է համարում նաև Երևանի մատենադարանի № 9510 Ավետարանը, որի հեղինակները, պատվիրատուն, ստեղծման տեղն ու ժամանակը հայտնի չեն⁸։

Բրիտանական գրադարանի աշխատակից, հայագետ Վ. Ներսեսյանը հիշատակում է մի ձեռագիր ևս, որի նկարազարգումները, նրա կարծիքով, նույնպես Սարգիս Պիծակի աշխատանքն են։ Խոսքը նախկինում Ժակ Մաթոսյանի, իսկ այժմ Բրիտանական գրադարանի սեփականությունը հանդիսացող Սաղմոսագրքի մասին է (Or. 13804)⁹։

Սարգիս Պիծակի արվեստին առնվող մյուս հուշարձանը XIII դ. վերջով և XIV դ. սկզբով թվագրվող կրիկյան Աստվածաշունչն է, որը լենինգրադի էրմիտաժի սեփականությունն է (VP—1011)¹⁰։ Ձեռագրի ստեղծման տեղն ու ճշգրիտ թվականը անհայտ են։ Հիշատակարաններից հայտնի է գրիչ անունը՝ Հովսեփ։ Ս. Տեր-Ներսեսյանը նշում է հիշյալ ձեռագրի

² S. Der-Nersessian, նշվ. աշխ., էջ 181։

³ Նույն տեղում, էջ 37, ծան. 2, Ն. Պողարյան, Մայր ցուցակ ձեռագրաց սրբոց Հակոբյանց, հ. 5, Երուսաղեմ, 1971, էջ 359—362, նկ. 25—28, A. Mekhitarian, Treasures of the Armenian Patriarchate of Jerusalem, Catalogue no. 1, Jerusalem, 1969, p. 26, № 19; B. Narkiss, Armenian Art Treasures of Jerusalem. Massada Press, 1979, pp. 81—87, fig. 106.

⁴ S. Der-Nersessian, նշվ. աշխ., էջ 37, ծան. 2.

⁵ Նույն տեղում։

⁶ Sté S. Agémian, Deux manuscrits ciliciens du XIV^e siècle dans les Archives d'État de Cluj-Napoca („Revue des Études Sud-Est Européennes“, t. XVIII, 1980, № 2, p. 251—261).

⁷ Տե՛ս նույն տեղում, էջ 263, Ս. Քոլանջյան, Ռումինահայերի արժեքավոր նվերը Հայաստանի Մատենադարանին («Բանբեր Մատենադարանի», 1956, № 3, էջ 229)։

⁸ Ը. Հապեճյան, Սաղմոսարան գրված լինի Գ թագավորի համար (ՁԲ—1283), («Շանդհա ամսօրյա», 1922, փետրվար—մարտ, էջ 139—155), Վ. Հացունի, Պատմություն ին հայ տարագիր, Վենետիկ, 1923, էջ 259, նկ. 88, Գ. Հովսեփյան, լինի Գ-ի Սաղմոսարանի մանրանկարչությունը («Սնահիտ», 1930, հուլիս—օգոստոս, էջ 5—8), V. Nersessian, Armenian Manuscript Illumination, The British Library Board, 1978, p. 7, 11—12; The Christian Orient, Catalogue of an exhibition at the British Library, London, 1978, p. 65.

⁹ Т. А. Измайлова, Армянские иллюстрированные рукописи Государственного Эрмитажа. Каталог («Труды Государственного Эрмитажа», т. X, 1969, с. 114—116); «Искусство Византии в собраниях СССР», Каталог выставки, т. 3, М., 1977, с. 151.

և Չեսթեր Բիթի գրադարանի № 560 պատառիկ մատյանի¹⁰ էջերի նմանությունը: Նրա կարծիքով Դուրլինի մագաղաթն էջերը մասն են կազմում էրմիտաժի Աստվածաշնչի: Նա ցույց է առնում էրմիտաժի ձեռագրի մանրանկարների ոճական հարազատությունը Գրազարկի XIII դ. վերջի մատյանների և, մասնավորապես, Սարգիս Պիծակի ձեռագրերի նկարազարդումների հետ: Ս. Տեր-Ներսեսյանը այդ նմանությունը հակված է քաջատրեյու ալբյի շուտ նկարիչների միևնույն դպրոցին պատկանելու իրողությունամբ, քան թե վաղպետների նույնությունամբ¹¹:

Հաջորդ ստեղծագործությունը, որը, մեր կարծիքով, պատկանում է Սարգիս Պիծակի վրձին, անստորագիր մանրանկար է՝ ստանձված XIII դ. հունական Ավետարանի կազմին: Այս ձեռագիրը հունական Աթոս լեռան վրա գտնվող Դրոնիսիոսի վանքի սեփականությունն է (cod. 27): Մանրանկարը, որը հունական աշխատանք է համարվում և պատկերում է Ղուկաս ավետարանիչին, իրականում հայկական ստեղծագործություն է, իսկ տարրեր հունական մանրանկարներից¹²: Թե՛ պատկերազրույցում, թե՛ ոճով և թե՛ զարդանկարի մանրամասնումով այն համընկնում է Սարգիս Պիծակի ծաղկած 1331 թ. մատյանի (Վենետիկ, Մխրթաբյան միաբանության գրադարան, ձեռ. № 16) Սարգիս ավետարանիչի պատկերին¹³:

Սարգիս Պիծակին վերագրվող մանրանկարների թվին վերջերս ավելացել է ևս մեկը: Բյուսեկարանակ եղիպտացես Ա. Մխիթարյանը գրախոսվող աշխատության հրատարակվելուց հետո Մատենադարան ուղարկած իր նամակում մասնագետների ուշադրությունը հրավիրում է Նոր Զուղայի Ամենափրկիչ վանքում գտնվող մի բազկաթոռի մեջքին ամրացված նկարազարդ մագաղաթն թերթի վրա, որի ձևավորման հեղինակը, նրա կարծիքով, Սարգիս Պիծակն է¹⁴:

Եղրափակելով մեր խոսքը, անդրադառնանք Վ. Ղազարյանի մի դիտողությանը: Էջ 91-ում նա գրում է. «Թվում է, թե հայ կերպարվեստում Սարգիս Պիծակը և Ավագը առաջիններից են, որ ունեն ինքնանկար»: Հարկ է նկատել, որ հայ կերպարվեստում նկարիչների առաջին ինքնանկարներն են Սարգիս Փառչիկի (Փարչիկի) պատկերը՝ Անիի ս. Փրկչի եկեղեցում (XIII դ. սկիզբ)¹⁵, Կիլիկյան Հեթում արքայի եղբոր՝ Հովհաննես արքեպիսկոպոսի մանրանկարը՝ 1266 թ. յոթովածուրդ (Մատենադարան, № 4243)¹⁶, և Թորոս Սարկավազի ինքնանկարը՝ 1311 թ. մատյանում (Չեսթեր Բիթի գրադարան, ձեռ. № 559)¹⁷:

Սարգիս Պիծակին վերաբերող մատենագիտությանն առավել լրիվ տեսնելու նպատակով նկատենք, որ գրքում նշված աշխատությունից բացի Ա. Երեմյանը անվանի նկարչի մասին գրել է նաև մի ուղղված. իսկ գրախոսվող գրքի տպագրության ընթացքում լույս են տեսել Ս. Տեր-Ներսեսյանի և Բ. Նարեկչի ուսումնասիրությունները, որտեղ առանձին էջեր նվիրված են Սարգիս Պիծակի արվեստին¹⁸:

Վ. Ղազարյանի այս անդրանիկ ուսումնասիրությունը նոր խոսք է հայ մանրանկարչության, մասնավորապես Կիլիկյան գրքարվեստի հետազոտության բնագավառում:

ԼԵՎՈՆ ՉՈՒԿԱՍՅԱՆ

¹⁰ S. Der-Nerseeasian, նշվ. աշխ., էջ 33–33.

¹¹ S. Der-Nersessian, Note sur la Bible no. VR 1011 du musée de l'Ermitage («Труды Государственного Эрмитажа», т. X, 1969, с. 116–119).

¹² S. M. Pelekanidis, P. C. Christou, Ch. Tsioumis, S. N. Kadas, The Treasures of Mount Athos, Illuminated Manuscripts, vol. 1. Athens, 1974, p. 406, fig. 66.

¹³ S. Der-Nersessian, Manuscripts arméniens illustrés des XIIe, XIIIe et XIVe siècles de la Bibliothèque des pères Mekhitaristes de Venise, Paris, 1937, Album, pl. LXXVIII, fig. 158.

¹⁴ Այդ նամակն և ուղարկված յուսապատկերի վրա մեր ուշադրությունը հրավիրեց Վ. Ղազարյանը, որի համար մեր շնորհակալությունն ենք հայտնում:

¹⁵ Թ. Թորոսյան, Նյութեր հայ հարադարձագիտության պատմության, Երևան, 1942, էջ 166; Ս. Ա. Ավագյան, Ո՞վ է Սահակի տապանագրում հիշատակված Սարգիս Փարչիկը («Պատմա-բանասիրական հանգես», 1977, № 1, էջ 221–230), S. Der-Nersessian, L'Art Arménien des origines au XVIIe siècle, Paris, 1977, p. 206.

¹⁶ S. Der-Nersessian, Études Byzantines et Arméniennes-Byzantine and Armenian Studies. t. 2, Louvain, 1973, fig. 424.

¹⁷ S. Der-Nersessian, The Chester Beatty Library..., pp. 31–32, 184.

¹⁸ Ա. Երեմյան, Մանրանկարչի Սարգիս Պիծակի արվեստի էական հատկանիշները («Դեղագրի տարեգիրք», 1970, էջ 187–203), S. Der-Nersessian, L'Art Arménien..., pp. 161–162; B. Narkiss, նշվ. աշխ., էջ 81–87.